

مساء الخير،  
إسمي ماريا، أنا من طرابلس بس كبرت ببيروت

من وقت ما انضمت مؤسسة الطوارئ ب٢٠١٨، صرت روح كل جمعة عطرابلس و إكتشف مدينتي  
من أول نهار شغل بالمدينة، تعلقت فيا و حسيت إنتماء لإلها  
رجعت للمدينة كأنها هي يلّي حضنتني كلّ طفولتي و بدّي كلّ العالم يشوفوها على حقيقتها، بكلّ جمالها و برغم كلّ  
مشاكلها

من خلال الشغل الإجتماعي بطرابلس، شفت ظلم و أوضاع معيشية كتير صعبة  
صرلنا سنين من ساعد أبناء المدينة، هل شغل صعب، خصوصاً بمدينة مثل طرابلس، لأن أوقات من حسّ أتو هل  
مساعدة نقطة ماء صغيرة ببحر كبير

بس كل يوم، من فوت عبيوت بالميناء، بالزاهرية، بالقبة، و بيستقبلونا مع أكبر بسمة على وجوهن، بكرم و محبة  
لأن سكان طرابلس هم روح المدينة، هم يلّي بيعطوا حياة لهل أحياء القديمة  
نحننا بدنا ياهم يضلّوا بل مدينة، يقدرُوا يعيشوا حياتهم فيها بكرامة  
بلاهم، طرابلس بتخصر هويتها

من جمعيتين، كنت عم احكي عن هل محاضرة مع حدا و سألتني: انت شو بتعرفي عن طرابلس؟  
شو بعرف عن طرابلس؟

أكيد بعرف تاريخها العريق، تراثها و ثقافتها، أهميتها الإقتصادية، مشاكلها السياسية  
بعرف أنها مظلومة و منسية بالرغم من كلّ شيء فيها تقدّمه للبنان

و بعرف أتو كلّ شخص بروح عطرابلس لأول مرّة، بينسى الصورة المشوّهة يلّي بفرجوننا ياهها بالإعلام، بيتعرف  
عشعب أصيل و كريم، بيغرق بالتاريخ و بيتمتّع بالعادات و الحضارة

بس إذا بدّي نأبي شغلة وحدة ضوي عليها بطرابلس، هي المجالات و الإمكانيات يلّي عندا ياهها للإنماء و التطور

إذا بتزوروا طرابلس، حتشوفوا تراثها، بحرها، حتزوروا القلعة و الأسواق القديمة، بس كمان حتلاحظوا الإهمال  
و ما فينا نبرم ظهرنا على هذا المشهد و لا نتجاهله

لأن الإهمال يلّي من شوفو بطرابلس بفتحلنا عيوننا على كلّ شيء فينا نعمله لإنماء المدينة  
قدّيش فينا نطورها و نشغل عليها، بكلّ المجالات، تترجع تأخذ محلّها كعاصمة إقتصادية و ثقافية لبنان

هيذا هوّ دورنا كشباب و صبايا بحبّوا المدينة و بيفتخروا يكونوا طرابلسية  
خلينا نقدّر قيمة مدينتنا و إمكانياتها للإنماء و التطور

الكتاب يلّي عم نحتمل فيه بخلينا نقدّر تاريخ طرابلس و إبداعها بالماضي

اليوم، خآينا نرجع لهل أفكار حآى نبنى مستقبل عاصمة الشمال و نخليها تلمع و تضوي كل لبنان

هيدا مآو حلم، هيدا واجبنا كشباب و صبايا من طرابلس  
إذا بتحبوا مدينتكم، ما تتركوها، ما تنسوها، حطوا كل إبداعكم فيها

نحننا مجتمعين اليوم نتحتفل بطرابلس ببيروت، تنفريجكم وجه مدينا الحقيقي  
بدي قول لكل الأشخاص الموجودين اليوم، من بيروت و من كل المناطق، ايدينا ممدودين للتعاون سوا كرمال  
طرابلس، تنساعد سوا هل مدينة تستثمر كل إمكانياتها  
لأن نجاح طرابلس هو نجاح لبنان

هيدا يلبي بعرفه عن طرابلس